

A *Ferdynand III.*

COPIA
Literarum
CÆSARIS,
AD
REGEM SVECIÆ

Ad suas 12. Octobr. cum oblatione
mediationis prosopendis differentiis inter
Poloniam ad Sueciam exortis &c.
16. Novemb. 1655.

Zbior H. Bukowskiego



177557

762

Coll. H.



Litteras Ser.^{is} V.^{re} 12. mensis proximè præteriti, Casimiræ ad Cracoviam datas accepimus, & ex iisdem præter ea, quæ de suis indicto Regno successibus nobis benevolè communicat, perquam libenter intelleximus, nihil ipsi in illa vicinia prius antiquiusq; fore, quàm ut & amicitiam nostram omni meliori ratione tueri, & iis rebus studere possit, quæ vicinitatis leges inter amicos sibi vindicare videntur, prout etiam confidat nos semper paria relaturos, affectumque nostrum erga Ser.^{ten} V.^{ram} integrum illibatumq; ipsi conservaturos esse; & admonuit sanè nos hac tam amica contestatione Ser.^{tas} V.^{tra} non modo eorum, quæ Seren. V. partim per literas partim per ministros suos jam ante, in hac materia ad nos

perscripsit, & perferri voluit, verum etiam responsum ad eam à nobis 24. Augusti proximè elapsi dati, quo eam, cum de mutuo sinceræ benevolentiae affectu affecurabamus, tum id quoque in proximis significabamus, nihil nos magis optare, neque Reipublicæ Christianæ quicquam magis expediens ac necessarium judicare, quàm ut exortæ inter ipsam & Seren.^m Regem ac Regnum Poloniæ differentiae quanto citius amabili compositione sopirentur quæ quidem literæ, quin rectè ad eandem serenitatem V.^{ram} pervenerint, ne utiquam dubitamus;

Jam quod ab illo tempore eadem illa pacis restaurandæ cura apud nos minime diminuta, sed aucta potius intensaque fuerit, utpote qui concussum & strepitum tot tamq; variorum armorum in vicinia nō nisi graviter sentire possimus, existimamus Ser.^m V.^{ram} per Sua prudentia facile judicare posse, fuit quidem ea spes nostra fore, ut tractatus amiceabiles, communi consensu Stockholmiæ ac postea Stetinum indicti ad effectum perducerentur, perq; eos periculum S. R. Imperio & finitimis ejusdem provinciis ex illo tot

5.
lo tot tamque variarum gentium in Regno Poloniae inter se digladiantium concursu imminens averteretur; Et dolemus sane, quod vel primus ille exardescens belli impetus, vel aliae forte causae tractationi illi locum tum non dederint, & habuit interim Ser.^{tas} V.^{ra} eos in illo regno successus, de quibus per novissimas suas amicè nobis significare voluit. At enim cum per eos ut belli facies alterata sit, causas tamen ejus mutatas, aut animum Ser.^{tis} V.^{ra} à pacis consiliis aversum esse censendum non sit, cum id Seren.^{tis} V.^{ra} contestatum semper amicæ compositionis studium non ferat, nobisve persuadere permittat. Quippe quam (ut de aliis taceamus) non lateat, quanti totius Christiani orbis intersit, Regnum Poloniae quod contra quosvis hostiles insultus stetit, post tot aliunde perpeffa bellorum incommoda, non enervari penitus, & ad extremæ debilitatis terminos reduci, omninò confidimus, eandem nostram reducendæ pacis sollicitudinem à Seren.^{te} V.^{ra} non aliter quàm in optimam partem acceptum iri.

Et quandoquidem non dubitamus, quin

Ser.^{issimus} Rex, & Regnum Poloniæ ad eandem compositionem non minus propendeant, pro eo sane munere, quod nobis in Republica Christiana inter Reges & Principes ejusdem suprema divinitas summum imposuit, aliter non potuimus, quàm ut tot tamque prægnantium rationum ad id nos impellentium momētis manus daremus, adeoque operam interpositionis nostræ ad reconciliandos animos inter se dissidentes utrique parti amicè offeremus. Cumque eam in æquanimitate Seren.^{iss} V.^{re} repositam habeamus fiduciam, fore, ut nec ipsa huic pacificæ & tam ad universæ Reipublicæ Christianæ, tum non minus Seren.^{iss} V.^{re} quam cujusvis alterius partis bonum collimanti intentioni nostræ sit adversatura, sed potius gratam acceptamq; eandem habitura, quin etiam moderatæ pacis gloriam cuivis alii non sine multorum innoxiorum sanguine parto vel pariendo triumpho prælatura: ac vel maxime cùm non dubitemus, quin & divina bonitas huic consilio nostro benignè adspiratura, idque concessura sit, ut bello sanguinolento omniūque vastanti ad omnium

per

per æquam satisfactionem ac securitatem finis imponatur.

Idcirco Ser.^{ti} V.^{ra} cùm per literas hasce nostratum per earundem exhibitorem expressum ablegatum nostrum (tit.) Franciscum Eusebrium comitem à Pöttingen, de hoc consilio nostro significare voluimus, prout non minùs per alium expressum ablegatum nostrum prædicto Ser.^{mo} Regi Regnoque Poloniæ significandum curamus, expectaturi super hoc à Ser.^{te} V.^{ra} non modo desideratam, de qua non dubitamus declarationem, verùm etiam expressionem quo loco & tempore id negotii pro commoditate tam sua & Seren.^{mi} Regis Regnique Poloniæ, quàm nostra suscipi, quam opportunissimè esse existimet, quo & nos & d. Serenissimus Rex Poloniæ, quæ ad id inchoandum promovendumque pertinent, maturè, disponere & apparare possimus. Cæterum sicuti nobis ea quam Serenitas V.^{ra} nobis tam per literas quam consiliarium etiam suum hîc ad aulam nostram Residentem de sincero suo in nos amicitiae & benevolentiae studio præstare voluit, contestatio admodum

modum grata accidit : Ita eandem de pari nostro in se affectu securam esse volumus. Quo ad reliqua à d. Residente Seren.^{is} V.^{ra} scripto proposita ad responsum nostrum super his eidem datum nos referentes : Serenitatem V.^{ra} divinæ tutelæ ex animo commendamus. Viennæ
16. Novemb. 1655.

